

ARRAUNKETA

■ Zuntzezko traineruak zurezkoak baino azkarragoak direla frogatu du amaitu berria den denboraldiak. Urterik urte arraun taldeek ari-nago ibili nahi badute ere, Euskal Arraunke-

taren Biltzarrak onartutako araudia bete behar dute. Denboraldiak estropada ugari du eta zaila da erreglamentua betetzen dela egiaztatzea. Horixe da datorren urterako erronka. ■

Zuntzezko ekaitza

Material horrekin eginiko traineruek istilu ugari sortu dute denboraldian

RAMON BASALDUA / BILBO

Zuntzezko traineruek sekulako iraultza ekarri dute arraunketaren mundura. Berrikuntza teknologikoak alde batera utzi eta material horrekin eginiko untziek gora-behera itzelak sortu dituzte arraun taldeen artean. Euskal arraunketaren batzarrak traineruen neurriak arautu bazituen ere, istilu ugari izan da untzien pisua, luzera eta puntala direla eta. Arazo hauek direla kausa, Euskal Federazioko ardura-dunek kritika ugari entzun behar izan zuten. «Denboraldi bakoitzean arazo desberdinak izaten dira. Batzuetan arraunak, beste batzuetan traineruak eta abar. Agian arraun taldeen urduritasunaren eragina izan daiteke. Arraunketa ez da trainerua soilik. Hala ere, uda heltzen denean jende guztia berotu egiten da», azaldu zion atzo EGUNKARIARI Luis Jesus Garaik, Euskal Federazioko lehendakariak.

Euskal arraunketaren batzarrak uztailaren lehen Eibarren izandako bileran onartutako araudiaren arabera, traineruek 200 kiloko gutxieneko pisua izan behar dute eta ezin da lastre mugikorrik erabili. Bestela esateko, zuntzez eginiko untziek 200 kilo baino gutxiago izaten dituzte eta



Orio eta San Pedro ez dira batere ongi konpondu.

EDURNE KOCH

Jesus Garai, Euskal Arraunketa Federazioko lehendakaria: «Arraunketa ez da trainerua soilik. Uda heltzen denean, jende guztia berotu egiten da».

Istilurik gogorrenak

■ **Uztailak 1:** Orio eta San Pedoren arteko denboraldiko aurreneko lehia izan zen Dalia sarian. Bi taldeak zuntzezko untziekin aritu ziren, San Pedro Juan Carlos Fontanek egindakoarekin eta Orio Pedro Cuesta untzigile galiziarrek egindakoarekin. Pasaitarrak nagusitu ziren hiru segunduko aldeaz. Ez zen inolako arazorik izan.

■ **Uztailak 25:** Lekeitioko BBK-El Correo Ikurrina hasi baino lehen, San Pedrok estropadan parte hartzeko asmorik ez zuela azaldu zien Isuntza Arraun Elkarteko antolatzaileei, euren ustez Orioren traineruak ez zuelako araudia betetzen. Azkenean galerna izan zen eta ez zen estropadarik jokatu.

■ **Abuztuak 5:** Orio erratzasun handiz nagusitu zitzaion San Pedro eta Donibanekori Lekeitioko Ikurrinean. Pasaiako bi arraun taldeek inpugnatu egin zuten estropada. Federazioko ardura-dunek egin zuten neurketa baliogabetzat jo zuten pasaitarrak. Donibaneko Arraunlariak taldeak Amilibia untzigile oriotarrak eginiko zuntzezko trainerua estreinatuta zuten.

■ **Abuztuak 6:** Donibaneko nagusi Hondarribiko Ikurrinean, traineruen arteko ligako aurreneko jardunaldian. Orioko arraun elkarteak zuntzezko traineruarekin aritu zen, baina Cuestarenekin barik Bizkaiko Compoplas enpresak eginikoarekin. Ez zen inolako arazorik izan.

■ **Abuztuak 8:** San Pedro nagusi Gipuzkoako txapelketan Orioren aurretik. Oriotarrek Cuestaren trainerua erabili zuten baina ez zen inpugnazioziorik izan.


■ **Abuztuak 12:** San Pedrok eta Donibaneko Arraunlariak-ek inpugnatu egin zuten Euskadiko txapelketako aurreneko jardunaldia, berriro ere Oriok erabilitako Cuestaren traineruak araudia betetzen ez zuela argudiatuz. Epailak ez

zuten aintzat hartu bi arrauntalde pasaitarrak aurkeztutako kexua.

■ **Abuztuak 13:** Oriok irabazi zuen Euskadiko txapelketa Cuestaren untziarekin. Donibanekok, San Pedrok eta Hondarribiak inpugnatu egin zuten es-

Federazioko ikuskatzailea La Navarra untzian izan zen pisaketa egin arte.

■ **Irailak 16:** Oriok erraz irabazi zuen BBK Ikurrineko aurreneko jardunaldia. Estropada amaitu ondoren Oriok lastrea



tropada. Hortik aurrera Orioren traineruaren aurkako inpugnazio ugari izan zen.

■ **Irailak 10:** Donibanekok irabazi zuen Kontxako Ikurrina eta estropada amaitu orduko Euskal

untziratu zuela salatu zuten San Pedrok arraunlariak. Bigarren jardunaldian parte hartzeari uko egingo ziotela agindu zuten arren, azkenean lehian izan ziren.

LABURREAN

KASPAROVek 14.

partidan berriz irabazi dio Anand

Gari Kasparov errusiarrak beste garaipen bat lortu zuen atzo Viswanathan Anand indiararen kontra jokatzeko den PCAREN Xakeko Munduko Txapelketan. Kasparovek 8,5 puntu erdietsi ditu jokaturako partidetan, eta Anandek 5,5 soilik. Sei partida geratzen diren arren, Anandek ia ez du irabazteko posibilitaterik, eta azken egunetan erabat etsita dago. Bihar jokatu dute hamabosgarren partida ●

PERASOVICek giharretako arazoak ditu

Velimir Perasovic, Taugres-Baskoniako eskolta kroaziarra, giharretako arazoak dauzka eskuineko zangoan. Hori dela eta, asteartean Gasteizen YMCAren kontra jokaturiko Europako Kopako partidua (97-91 Taugresen alde) utzi egin behar izan zuen 31. minutuan. Bederatzi egun barru jokatu den ACBko hurrengo jardunaldirako ziurrenik prest izango da Perasovic ●

SASKIBALOIA: Europako Ligarako sailkapena

Gaur jokatu diren itzulerako partiduetan erabakiko da zein talde sartuko diren Europako Ligako bi multzoetan. Sailkapenerako bigarren fase honetan, Real Madridek eta Unicajak ez dute aurrera egiteko arazorik izango. Gogorak izango dira, aldiak Panathinaikos-Zalguiris (56-59) eta Benfica-Partizan (64-64). Bigarren fase hau gaunditzen dutenak larunbatean egingo den zozketan izango dira ●

TENISA: Tauziat kanporatua Zurichen

Natalie Tauziat lapurtarrak ezin izan zuen aurrera egin Zuricheko tenis txapelketan. Marianne Werdel-Wilmeyrek estatubatuararen aurka 6-4 eta 6-2 galdu baitzuen. Txapelketa berean, Helena Sukovak irabazi egin zion Natasha Zverevari (3-6, 7-6, 6-4) ●